



Inatsisartunut ilaasortaq
Andersine Hansen Kristiansen
-/maani

**Qaqiffik pillugu § 37, imm. 1 naapertorlugu apeqqut nr. 203 2011-mut tunngatillu-
gu Andersine Hansen Kristiansenimut akissut.**

4. november 2011
Suliapnr. 2011-057291
All. Upp. Nr. 752701

Asasara Andersine

Postboks 1160

Oqa : 34 50 00

Allak: 32 55 05

3900 Nuuk

Email: pn@nanoq.gl

www.nanoq.gl

Peqqissutsimut Naalakkersuisoq apeqqutinnut qujavoq.

Imigassamik allanillu aangajaarniutininik atornerluinerit inunnut ataasiakkaanut, qanigisaasunut inuiaqatigiinnullu annertuumik kingunipilutsitsisarpur. Taamaattumik atornerluinerimik pitsaaliuineq katsorsaanerlu Naalakkersuisunut pingaaruteqartumik suliniuteqarfiupput, ullutsinnilu kommunit tungaannit inuit kikkulluunniit atornerluinerimik ajornartorsiuteqartut kissaatigigunikku atornerluinerminnut katsorsartinnissaat qulakkeersinnaajumallugu annertuumik suliniuteqartoqarpoq.

Tassungalu atatillugu kikkulluunniit periarfissaqarnissaat qitiutinneqarpoq, taamaattumillu Peqqissutsimut Naalakkersuisup innuttaasunut qanittumik pitsaaliuinerimik katsorsaanermillu qulakkeersinnaaneq pingaarteqaa.

Siunissami imigassamik pinngitsuuisinnaanginnermut katsorsaanerlut neqeroorutissat nassuiarneqarneri pillugit kommunit suleqatigineranni maanna ingerlasumi kikkulluunniit periarfissaqarnissaat sammineqarportaaq, soorlu aamma peqqinnissaqarfiup imigassamik pinngitsuuisinnaanginnermut katsorsaanerlut neqeroorutaanni allanit isumagineqalertussani nammineq najukkami katsorsartinnissanut neqeroorutininik salliutitsinissaq pingaartinneqarpoq.

Apeqqummut: "Naalakkersuisut qaqugu Tasiilami Qaqiffimmik pilersitsiniarpat?", "Tasiilami Tunumiunut tamanut atorneqartussamik Qaqiffimmik pilersitsisoqarnissaanik Naalakkersuisut suliniuteqaqullugit Inatsisartut aalajangiiffigisassaattut siunnersuut" (Inatsisartunut ilaasortamit Aleqa Hammondimit, Siumut, saqqummiunneqartoq), 2010-mi Upernaakkut ataatsimiinnermi immikkoortoq 61-itut oqaluuserineqartumut akissut Naalakkersuisut innersuussutigaat.

Inussiarnersumik inuulluaqqusillunga

Agathe Fontain sinnerlugu, Kuupik Kleist